



partii naleraq

15. maj 2019

UPA2019/122

**Naalackersuisut kingusinnerpaamik UPA2020-mi Kalaallit Peqqissartut Angerlarsimaffianni kalaaliminernik atuinerup qanoq iliorluni annertusineqarsinnaanera pillugu misissuineramik suliaqarnissaat pillugu Inatsisartuni aalajangiiffigisassatut siunnersuut. Misissuinermi - ajornangippat - igaffissuarmi igaat kalaaliminersunninnerat qanoq ililluni annertunerulersinnaanera pillugu kaammattuuteqarfigineqassaaq. (Inatsisartunut ilaasortaq Stine Egede, Inuit Ataqtigiit)**

(Peqqissutsimut, Isumaginninnermut Inatsisinullu Atuutsitsinnermut Naalackersuisoq)

Inatsisartunut ilaasortaq Stine Egede Inuit Ataqtigiit, siunnersuuteqarpoq tassalu Kalaallit peqqissartut illuanni kalaaliminernik nerisaqarnerup qanoq iliorluni annertusineqarsinnaanera pillugu alajangiiffigisassamik siunnersuuteqarluni tamannalu oqaaseqarfigissavarput.

Napparsimasut nunatsinnersuut Danmarkimut suliaritikkiartortut tamatta pitsasumik atugaqarlutik ikiorneqarnissaannik neriulluta peqqissilluarnissaannillu kissaassilluta napparsimasut kissaattapagut qujanartumillu amerlasuut utertarput peqqissilluarsimallutik.

Kisianni ilaqartarpugut sivisuumik napparsimasut angerlarsimaffianni napparsimavinnilu najugaqartartunik taakkunanilu ilaatigut sivisuumik uningannerminni assorujussuaq nerisassaatigut kalaalimerngit maqaasisaraat malunnartaqaaq, ilaatigut nerisassat sungiusimanngisatigut qatsulluinnartarpaat ilaatigullu kaakkaluarlutik nerinngitsoornermik kinguneqartarlutik.

Naalackersuisut akissumminni ilaatigut oqaatigaat Danmarkimi inuussutissanut oqartussaasut piunasaqataat tunngavigalugit kalaalimerngit eqqunnissaat unamminarsinnaasartoq. Tamanna taava ajornartorsiutaappat Naalackersuinikkut oqartussaasut peqatigiillutik aporfiiit piiartariaqarpaat tamannami aporfuiunnassappat kalaallinut peqqissartunut ilungersunartorujussuarmik kinguneqartarmat.

Taamaattumik siunnersuuteqartoq tamakkiisumik isumaqatigalugu kalaaliminernik atuinerup kalaallit peqqissartut inaanni annertunerulernissaanik anguniaqarneq isumaqatigilluinnarippat oqaatigissavarput.

Ilaatigut aamma ilanngullugu eqqaarusupparput igaffimmiut kalaallit nerisassaannik iganermik misilittaqaanngitsut sulisorineqartarmata naammagineqarpallaarneq ajortoq apuunneqartarmat.

Taamatut oqaaseqarluta Stine Egede siunnersuutaa ataatsimiititaliami innersuussutigaarput.

Hans Enoksen